



UNIVERSITÄTS-
BIBLIOTHEK
PADERBORN

Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

§. IV. An Metropolitana, aut Patriarchica dignitatis fuerit à Christo, vel
Apostolis instituta?

urn:nbn:de:hbz:466:1-38717

De Alexandrino & Romano Patriarchis rem extra dubium esse, utpote qui non modò Metropolitanos, sed uniuersos Patriarchatus sui Episcopos ordinassent. Jus porrò ordinandi Metropolitanos intrà Palæstinam *actione 7. Concil. Chalcedon.* delatum esse Ierosolymitano Præsuli. Ipsos denique Patriarchas solitos fuisse ordinari ab Episcopis ex Diocesi uniuersa, præcipue uero ex ea provincia, cujus Metropolis erat Patriarchalis sedes, convocandis. Qua de re plura uideri possunt apud *Ellesium præfati §. 13.*

17. *Quintò.* De posterioribus Patriarcharum prærogatiuis, Concilij scilicet convocandi potestate, & super totam Diocesim inspectione, obseruat *Ellesius in sine dict. §. 13.* uix ullam posse difficultatem esse. Nam statim, atque recurus datus est à Synodo Provinciae ad Synodum Diocesanos, uelut in Concilio Chalcedonensi *can. 9.* extat sancitum, haud fuisse dubium, quin Patriarchæ jus habuerint, Episcopos ad Concilium invitandi. Cætera uero iura inspectionis, seruatâ eadem proportione, ita competere Patriarchæ super Diocesim, sicuti Metropolitanò conueniunt supra Provinciam. Nullum porrò Patriarcham habuisse maiorem in suâ Diocesi potestatem; quam Alexandrinum. Nam præter omnium Episcoporum ordinationes, adeo fuisse ab ipso dependentes cæteros Episcopos, ut nihil maioris momenti sine ipso facere auderent. Hinc in Concilio Chalcedonensi *actione 4. Aegypti* Episcopos adeo enixè obtestari Patres Concilij, ne ad subscriptionem fidei sine Archiepiscopo adigantur, quia extra sententiam & iussum ipsius nihil eiusmodi facere poterant.

§. IV.

An Metropolitana, aut Patriarchica dignitas fuerit à Christo, uel Apostolis instituta?

18. **D**UAS hæc dere sententias profert *Ellesius cit. Dissert. 1. §. 6.* Sunt enim, inquit, nonnulli, qui Metropolitanicam & Patriarchicam dignitatem uelint à Christo institutam fuisse: alij uero ab Apostolis id factum esse, autumant: quam sententiam tuetur Petrus de Marca. Placeat proinde in primis uidere, in quo censu prædictas sententias habeat ille Theologus.

19. *Primò.* Metropolitanicam, aut Patriarchicam dignitatem à Christo institutam fuisse, ad instar meri commenti, omni uerisimilitudinis umbrâ carentis habet *præfatus* *Ellesius* ex sequenti argumento. Christus enim extra Judæam non prædicauit, nec ulla Gentium urbes, quamdiu uixit, uel per se, uel per suos ad fidem conuertit. Dici ergo non potest, eum de facto Metropoles & Patriarchias instituisse.

20. Si affirmetur, Christum Apostolis præcepisse, ut post conuersionem gentium Metropolitanos & Patriarchas instituerent: hoc etiam gratis fingit, contendit idem *Ellesius*,

cùm nullum eiusmodi præceptum sive in scriptis Litteris, sive in antiquorum Patrum monumentis extet. Exordiendo namque à primâ Ecclesiæ institutione, Apostoli præcipue orbis partes peragrârunt, nulli aut urbi, aut loco ad dicti. Apostolis plures accessere comites ejusdem laboris ac ministerij participes, quales erant Paulus, Barnabas, Crescens, & Thimotheus: qui Ecclesias innumeras fundarunt, & ut inquit *Clemens Romanus in epistola ad Corinth.* tam eorum, qui crederent, quam qui credituri erant, Episcopos & Diaconos constituerunt. Ubi uero illi è uiris excessere, qui ab ipsis Apostolis constituti erant, in defunctorum locum ab alijs celebribus uiris cum consensu totius Ecclesiæ noui tum Episcopi, tum ministri constituti sunt, quin legatur, fuisse uel Metropoles, uel Patriarchias erectas.

Secundò. Pergit *Author præfatus*, fatendum quidem esse, Apostolos in aliquibus locis diutius esse demoratos, uel quia ita placebat Ecclesiarum illarum, in quibus degebant, status, uel quia jam senio confecti, satis multas Ecclesias fundarunt. Sic namque *Ioannes* extremo uitæ tempore subsistit Ephesi, unde Ecclesias Asiæ regebat, cæteris Episcopis Apostolicâ dignitate superior: uel denique quia Ecclesias quasdam præ cæteris elegerunt, in quibus mori uoluerunt, ut *Petrus & Paulus* Romanam. Negari quoque non potest, quin Apostolis cæteris, quos constituerant, Episcopis quodammodo superiores fuerint, ut de *Paulo* uidere est, qui *Corinthios* tantâ reprehendit auctoritate. Verùm de his non est quæstio, sed hoc unum controvertitur, *Utrum* *Apostoli* aliquibus Ecclesijs à se fundatis, illarumque Episcopis peculiaria quedam, aut privilegia præ cæteris, & in cæteris concesserint, illarumque Patriarchatum, Exarchatum & Provinciarum diuisionem instituerint?

§. V.

Argumenta *Petri de Marca* circa Metropolitanicæ & Patriarchicæ dignitatis ab Apostolis factam institutionem constanter ab *Ellesio*.

Primò. Hic *Præsul Parisiensis lib. 6. de concordia cap. 1.* contendit, Apostolos Orbem Ecclesiasticum in Provincias distribuisse ad exemplum dispositionis civilis. Copias asserti sui probationem desumit ex auctoritate sanctorum *Petri & Pauli*, quorum primus scribens ad novos Christianos *Epist. 1. cap. 1.* compellat eos per Provincias *Ponti, Galatæ, Cappadociæ, Bithyniæ & Asiæ*; alter uero distinguit Ecclesias *Macedoniæ, & Asiæ.*

Verùm *Ellesius cit. §. 6.* reponit, hanc probationem non probare, Ecclesiarum in Provincias distributionem ab Apostolis institutam fuisse: sed tantum distinctas fuisse Ecclesias, propter distinctionem Urbium & Provinciarum. Ecclesias quippe nihil aliud esse, quam fideles; cùm ergo fideles in va-